

Transkription von Urkunde HGW 1453a

Ort, Datierung: Greifswald, 1453-11-06

Signatur: Landesarchiv Greifswald, Rep. 2, 113

Inhalt: Bürgermeister Hinric Rubenow: Quittung

Ik hinric rubenow lerer des keyserrechtes vnd borghermester tom gripeswolde bekenne / vnd betughe openbar an dessem breue dat yk hebbe vorkoft to enem rechten standen kope my=/neme gnedighen heren hertoghe wartislaß forsten to Stettin vnd rugen et(cetera) dem olderen / vyeß marc gheldes de yk hadde van her johan hilghemarie(n) mynes wyues vadere yn dem / dorpe prickemole vor ener summen gheldes de my wol to der nöghe vnd to danke betald vn(de) / er der makinge desser breues vnd beholde mynen eruen myt alle nycht dar ane des to / vullekamener tuchnisse so hebbe yk henghen myn jngheseghel vor dessen breff de de ghe=/uen vnd screuen ys na der bort cristi dusentveerhundert darna an dem dre vnd veftighes=/ten des dyntstedaghes vor sunte marten des hilghen byscoppes